

諸經要集卷第三

西明寺沙門道母字女惲撰

帳三

敬塔部第二 此有七緣

攝念部第三

舛錯上尺軟反簷音益欠咷下運去開躁擾
反煩財到歎也雜也雲吉羅此愚作
反弊惡上毗羅音起見也鑄七羊反正氣也突徒骨
反聲鹿上小鹿也摺脊上之栖屑上梨反
反篋隙上音酬余冤仇下丘逆節西
詎音巨牘洗一也汎芳犯反
反懲止也反漆紵下音佞性怡一恍也反
反匱直陵反
反匱直陵反
反匱直陵反
反匱直陵反
反匱直陵反
反匱直陵反
反匱直陵反

介儀之上莫齡音靈叵測上昔可友下昌力反
被鎧告改反舍脂下草夷反帝屏處
擗打反撻逐必刀也疫癘上干益天下危脆反
理謫罰下音例尖病也斷事上取旨鉢
也反蹲坐上音舐神只
謂瞻葛下蒲萎鳥爲反蹲坐上音舐神只
也反驥驥利反並駿馬也
反美轡銜音秘也
搏飛直上音扶一搖簪纓

述意緣第一

修故緣 旋塔緣 興福緣 感報緣
入寺緣 引證緣

敬惟如來應現妙色顯於三千正覺韜光遺
形傳於八萬是以塔涌靈止影留石窟刻檀
盡疊之儀鑄金鏤玉之狀全身碎身之迹聚
塔散塔之奇而光曜重昏福資含識致使英
聲遐美邪徒結信聲啓育王之始終傳大唐
之初自歷代繁興神化非一故經曰正法住
正法滅意在茲乎

引證緣第二

如觀佛三昧經云佛留影石室在那臯呵羅

國毒龍池側佛坐龍石室窟中爲龍作十八
變踊身入石猶如明鏡在石內映現於外遠
望則見近望不現諸天百千供養佛影亦現
說法述今不滅傳至弥勒

又大集經云忉利天城東照明園中有佛髮
塔城南釐灑園中有佛衣塔城西歡喜園中

有佛鉢塔城北駕御園中有佛牙塔

又智度論云天帝釋取菩薩髮及衣於天上

城東門外立佛髮塔衣塔

又育王傳云王得信心問道人曰我從來殺

害不必以理今脩何善得免斯殃答曰唯有

起塔供養衆僧校諸徒囚賑濟貧乏故譬喻云王

官內常以四事供養二萬沙門盡心故惟不可具述

王曰何處可起塔道人即以神力左手掩日
光作八方四千道散照闇浮提所照之處皆
可起塔今諸塔處是也時王欲建舍利塔將
四部兵衆至王舍城取阿闍世王佛塔中舍
利還復修治此塔與先無異如是更取七佛

塔中舍利至衆摩村中時諸龍王將王入龍
宮中王從龍索舍利供養龍即分與之時王
作八万四千金銀琉璃頗瓈篋盛佛舍利又
作八万四千寶瓶以盛此篋又作無量百千
幡幢纖蓋使諸鬼神各持舍利供養之具勑
諸鬼神言於闇浮提至於海際城邑聚落滿
作

長三

二

一億家者爲世尊立塔時有國名著叉尸羅
有三十六億家彼國人語鬼神言可三十六
篋舍利與我等起立佛塔王作方便國中人
少者令分與彼令滿家數而立爲塔

時巴連弗邑有上座名曰耶舍王詣彼所白
上座曰我欲一日之中立八万四千佛塔遍

滿此闇浮提意願如是時彼上座白言善哉

大王剋後十五日日正食時令此闇浮提一
時起諸佛塔如是依數乃至一日之中立八
万四千塔世間人民興慶無量其号曰阿育
王塔

又大阿育王經云八國共分舍利阿闍世王

分數得八万四千又別得佛口髮還國道中
逢難頭和修龍王從其求舍利分阿闍世王
不與便語言我是龍王力能壞沒國土阿闍
世怖畏即以佛髮與之龍還於須弥山王下
高八万四千里於不起水精塔阿闍世王得
還國以紫金函盛舍利作千歲燈火於五恒

河沙水中起塔葬埋之後阿育得其國土王
娶夫人人身長八尺髮亦同等衆相具足王令
相師觀之師言當爲王生金色之子王即拜
爲第二夫人後遂有娠足滿十月王有緣事
宜出外行皇后姪嫉便作方便共欲除之募
覓豬母即應產者語第二夫人言卿是年少

帳三

甫爾始產不可露面視天以被覆面即生金
子光照宮中盜持而去殺之即以豬子著其
邊便罵言汝云當爲王生金色之子何故生
豬便取輪頭拍囚內後園中令服藥王還聞
之不悅久之後王出行園見之憶念迎取
歸宮第二夫人漸得親近具說情狀王聞驚

恠即殺八万四千夫人阿育王後於城外造
立地獄治諸罪人耶舍知王殺諸夫人應墮
地獄即遣消散比丘化王令發信悟問比丘
言殺八万四千夫人罪可得贖不道人言各
爲之起一塔塔下著一舍利當得脫罪耳王
即尋覓阿闍世王舍利有國相父年百二十
將五百人取本舍利王得大喜即分與鬼神
各還所部令一日一時同戴八万四千刹諸
鬼神言多隔山障不得相知王言汝曹但還
治槃護刹安鈴我當使阿脩輪以手遮日四
天下亦同時辰

又阿難經云塔成造千二百織成幡及雜花
未得懸旛王恐身崩塔成已六日王請僧王
園供養時有優波崛多羅漢將一万八千阿
羅漢受王請尊者蠟多顏貌端正身體柔軟
而王體醜陋肌膚龐潤尊者即說偈言
我行布施時淨心好財施不如王行施
以沙施於佛

王告大臣我以沙施佛獲報如是云何而不修敬於世尊王後尋佛弟子迦葉阿難等所有佛在世時弟子塔廟躬到塔所具展哀情責心修敬各興種種供養更立大塔各捨一萬兩珍寶供養是塔次至薄拘羅塔應當供養王問彼有何功德崛多尊者答曰彼無病第一乃不爲人說一句法寂默無言王曰以一錢供養諸臣白王言功德既等何故於此供養一錢王告之曰驥吾所說偶雖除無明癡 智慧能監察 雖有薄拘羅於世何所益

時彼一錢還來至王所時大臣輩見是希有事異口同音讚彼嗚呼尊者少欲知足乃至不須一錢王乃供養菩提樹不絕夫人名曰低舍羅締多作念王極愛念於我念王今捨我珍寶至菩提樹間我方便殺樹令死王不行往可得與我相娛樂夫人即遣人以熱乳澆之樹枯葉落王聞是語迷悶躰地夫人見

帳三

四時彼一錢還來至王所時大臣輩見是希有

事異口同音讚彼嗚呼尊者少欲知足乃至不須一錢王乃供養菩提樹不絕夫人名曰低舍羅締多作念王極愛念於我念王今捨我珍寶至菩提樹間我方便殺樹令死王不行往可得與我相娱乐夫人即遣人以熱乳澆之樹枯葉落王聞是語迷悶躰地夫人見

帳三

王憂愁不樂當悅王心白王曰若無彼樹我命亦無如來於彼樹得道彼樹既無何用活耶復以冷乳灌之彼樹更生王聞歡喜詣於樹下自不暫捨以千瓮香湯漑灌菩提樹倍復嚴好增長茂盛後王潔淨身心手執香鑪在於殿上四方作禮心念口言如來賢聖弟子在諸方者憐愍我故受我供養如是語時有三十萬比丘悉來集彼大衆中十萬是阿羅漢二十萬是學人及凡夫宮人太子群臣共王所作功德無量不可述盡

又雜阿含經云阿育王問比丘言誰於佛法中能行大施諸比丘言給孤獨長者最行大施王問彼施幾許比丘答曰以捨億千金王聞已彼長者尚能捨億千金我今爲王何緣復以億千金施當以億百千金施乃至用私藏盡將此闍浮提夫人姝女太子大臣揔施與聖僧後用四十億金還復贖取如是計校揔用九十六億千金乃至王得重病自知命

盡常願以億百千金作功德今願不滿便就

後世唯減四億未滿王即辦諸珍寶送與鷄頭摩寺乃至以半阿摩勒果送與僧禮拜僧

足問訊大聖衆等我領此闍浮提是我所有今者頓盡不得自在唯此半果哀愍納受令我得福上座耶舍令研磨著石榴羹中行之

一切皆得周遍王復問傍臣曰誰是闍浮提王諸臣啓王言大王是也時王從卧起而坐顧望四方合掌作禮念諸佛功德心念口言我今復以此闍浮提施與三寶時王書紙上而封緘之以齒印印之作如是事畢即便無常爾時太子及諸人民興種種供養葬送如王之法而闍維之

又法益經云今是大地屬於三寶云何而立太子爲王諸臣聞已再出四億金送與寺中將贖其地

又善見論云阿育王以金錢九十六億起八万四千寶塔復大種種布施

興福緣第三

述曰上來所引經論興置所由其已知乎然未識塔義是何復有幾種所爲之人復通凡不

答曰梵漢不同翻譯前後致有多名文有訛正所云塔者或云塔婆此云方墳或云支提翻爲滅惡生善處或云斗數波此云護讚如人讚歎擁護歎者西梵正音名爲窣堵波此云廟廟者貌也即是靈廟也安塔有其三意一表人勝二令他信三爲報恩若是凡夫比丘有德望者亦得起塔餘者不合若立支提有其四種一生處二得道處三轉法輪處四涅槃處諸佛生處及得道處此二定有支提生必生阿輸柯樹下此云無憂樹此是夫人生太子之處即号此樹爲生處支提如來得道在於菩提樹下即呼此樹爲得道支提如來轉法輪及涅槃處此二無定初轉法輪爲五比丘在於鹿苑縱廣各二十五尋一尋八

帳三

六

尺古人身大故一尋八尺合二十丈今天竺人處處多立轉法輪取一好處而依此量豎三柱安三輪表佛昔日三轉法輪相即名此處爲轉法輪支提如來入涅槃處安置舍利即名此處爲涅槃支提現今立寺名涅槃寺此則爲定若據舍利處起塔則不爲定此

四立名窣堵波

又毗婆沙論云若人取大石爲塔如來生處轉法輪處若人取小石爲塔其福等前大塔所爲尊故若爲如來大梵起大塔或起小塔以所爲同故其福無異

又阿含經云有四種人應起塔一如來二辟

支佛三聲聞四輪王

又十二因緣經云有八人得起塔一如來二

菩薩三緣覺四羅漢五那含六斯陀含七須陀洹八輪王若輪王已下起塔安一露盤見之不得禮以非聖塔故初果二露盤乃至如來安八露盤八盤已上並是佛塔

又僧祇律云初起僧伽藍時先規度地將作塔處不得在南不得在西應在東應在北不侵佛地僧地應在西作南作僧房佛塔高顯處作不得塔院內浣染曬衣唾地得爲佛塔四面作龕作師子鳥獸種種彩畫內懸幡蓋得爲佛塔四面作種種園林華果是中出花

後三

七

應供養塔若樹檀越自種檀越言是中華供養佛果與僧食佛言應從檀越語若華多者得與華鬘家語言余許華作鬘與我餘者與余許直若得直得用然燈買香以供養佛兼得治塔若直多者得置佛無盡物中若人言佛無貪怒癡但自莊嚴因是華果而愛樂者得罪報重佛言亦得作支提有舍利者名塔無舍利者名支提如佛生處得道處轉法輪處佛泥洹處得作菩薩像辟支佛像佛腳跡處此諸支提得安佛華蓋供養若供養中上者供養佛塔下者供養支提若卒風雨來應收供養具隨近安之不得言我是上座我是

阿練若乞食大德等得越毗尼罪若塔僧物賊來急時不得藏舉佛物應莊嚴佛像僧座具應敷安置種種飲食令賊見相若起慈心賊問比丘莫畏出來年少應着若賊卒至不得藏物者應言一切行無常作是語已捨去是名難法

感報緣第四

如小未曾有經云佛告阿難若有一人盡四天下滿中草木皆悉爲人得四道果及辟支佛盡壽四事供養所須具足至滅度後一起塔香華幢幡寶蓋供養復造帝釋大莊嚴殿用八万四千寶柱八万四千寶窓八万四千天井寶窓八万四千樓閣四出圍遶衆寶莊飾若有善男子善女人作如上百千億大莊嚴殿用施四方僧其福雖多然不如有人於佛般涅槃後以如芥子舍利起塔大如華摩勒果其刹如針上施盤蓋如酸棗葉若佛形像如麪麥大勝前功德滿足百倍不

及一千倍万倍百千万倍所不能及不可稱量阿難當知如來無量功德戒分定分智慧分解脫分知見解脫分無量功德有大神通變化及六波羅蜜如是等無量功德

又無上依經云阿難向佛合掌而作是言我於今日入王舍城乞食見一大重閣莊嚴新

長三

八

成内外宛密若有清信人布施四方僧并見四事若如來滅後取佛舍利如芥子大安立塔中起塔如阿摩羅子大戴刹如針大露盤如棗葉大造佛如麥子大此二功德何者爲勝

佛告阿難如滿四天下四果聖人及辟支佛如甘蔗林竹筍麻田等若有一人盡壽供養四事具足及入涅槃後悉起大塔供養然燈燒香衣服幢幡等阿難於意云何是人功德多不阿難言甚多世尊阿難且置又如帝釋天宮住處有大飛閣名常勝殿種種寶莊各八万四千若有清信男子女人造作如是常

勝寶殿百千拘胝施與四方衆僧若復有人如來般涅槃後取舍利如芥子造塔如阿摩羅子大戴刹如針大露盤如棗葉造佛形像如麥子大此功德勝前所說百分不及一千萬億分乃至阿僧祇數分所不及一譬喻所不能及何以故如來無量功德故縱碎娑婆

世界未爲微塵以此次第悉是四沙門果及辟支佛若有清信男女盡形供養及以滅後起塔供養亦不如取舍利如芥子大乃至造像如麥子大此功德勝前所說百分千万億分不及一分乃至筭數譬喻所不能及如是阿難一切如來昔在因地知衆生界知自性

帳三

九

清淨客塵煩惱之所汚濁然不入衆生清淨界中能爲一切衆生說深妙法除煩惱障應生下劣心以大量故於諸衆生生尊重心起大師敬起般若起闍那起大悲依此立法菩薩得入阿鞞跋致位此云不退依如實智證大方便得阿耨菩提

又涅槃經云若於佛法僧供養一香燈乃至獻一花則生不動國善守佛僧物塗掃佛僧地造像塔如母指當生歡喜心亦生不動國此即淨土常嚴不爲三災所動也

旋遶塔緣第五

如菩薩本行經云昔佛在世時佛與阿難入舍衛城而行乞食時彼城中有一婆羅門從外而來見佛出城光相巍巍時婆羅門歡喜踊躍遶佛一帀作禮而去佛便微笑告阿難言此婆羅門見佛歡喜以清淨心遶佛一帀以此功德從是已後二十五劫不墮惡道天上人中快樂無極竟二十五劫得辟支佛名持覲那祇梨以是因緣若人旋佛及旋佛塔所生之處得福無量也

又提謂經云長者提謂白佛言散花燒香然燈禮拜是爲供養旋塔得何等福

佛言旋塔有五福德一後世得端正好色二得聲音好三生天上四得生王侯家五得泥

洹道何因緣得端正好色由見佛像歡喜故
何緣得聲音好由旋塔說經故何緣得生天
上由當旋塔時意不犯戒故何緣得生王侯
家由頭面禮佛足故何緣得泥洹道由有餘
福故

佛言旋塔有三法一足舉時當念足舉二足
下時當念足下三不得左右顧視睡寺中地
右遶者經律之中制令右遶若左遶行為神
所呵乃至左遶穀麥積爲俗所責其徒衆矣
今時行事者順於天時面西北轉右肩袒膊
向佛而恭也或旋百匝十匝各有所表
且論常行三匝者表供養三尊止三毒淨三

十
卷三

業滅三惡道得值三寶故華嚴經偈云

始欲旋塔 當願衆生 施行福祐 究暢道意
遶塔三匝 當願衆生 得一向意 不絕四喜
又賢者五戒經云旋塔三匝者表敬三尊一
佛二法三僧亦念滅三毒一貪二瞋三癡
又三千威儀云遶塔有五事一低頭視地二

不得蹈重三 不得左右顧視 四不得唾塔前
地上五不得中住與人語

又大集經云佛告梵天王等我諸聲聞現在
未來三業相應及與三種菩提相應有學無
學具足持戒多聞善行度諸衆生於三有海
及諸施主爲我聲聞而造塔寺亦復供給一

切所須及彼眷屬付囑汝等勿令惡王非法
惱亂尔時梵釋天王龍王夜叉等合掌向佛
而作是言大德婆伽婆已有了一切如來塔寺
及阿蘭處及未來世若在家出家人爲於此
尊聲聞弟子造塔寺處我等悉共守護令離
一切諸難怖畏亦如有給施飲食衣服卧具
湯藥一切所須如是施主我等亦當謙持養
育故七佛經云護僧伽藍神斯有十八神一
名美音二名梵音三名天鼓四名歎妙五名
歎美六名摩妙七名香音八名師子九名妙
歎十名梵響十一名人音十二名佛奴十三
名歎德十四名廣目十五名妙眼十六名徹

卷三

聽十七名徹視十八名遍視寺既有神護居住之者亦冥自勵不得惰怠恐招現報也

入寺緣第六

述曰依如西域凡有士女既到伽藍至寺門外慶以所遇先整衣服摠設一禮入寺門已復設一拜然後安詳直進不得左右顧盼故涅槃經云往僧坊者有其七法一者生信二者禮拜三者聽法四者至心五者思義六者如說行七者迴向大乘利安多人住是七善最勝最上不可譬喻

又郁伽長者經佛言長者居家菩薩入佛寺精舍當住門外立心作禮然後當入精舍自念言我何時當得如是居寺出塵垢之處又十住毗婆沙論云在家菩薩若入佛寺初欲入時於寺門外五體投地應作是念此是善人住處行慈悲喜捨住處是故須禮若見諸比丘威儀具足見已恭肅敬心禮拜親近問訊

又自愛經云時有國王詣佛所遙見精舍下車却蓋解劍脫履拱手直進又僧祇律云若行平視迴時合身摠迴行時先下腳跟後下腳指

又智度論云先入來去安詳一心舉足下足觀地而行為避亂心爲護衆生故是名不退菩薩相

又西國寺圖云行至佛所禮三拜竟圍遶三匝唄讚三契禮拜既已方至僧房房外一拜然後入見上座次第至下各設三拜僧多一拜若見非法之事不得譏訶若發言嫌責自失善利非入寺之宜故涅槃經云夫入寺者棄捨刀仗雜物然後入寺捨刀仗者去瞋恚三寶心也捨雜物者去從三寶乞求心也且除兩過乃可入寺順佛而行不得逆行設復緣礙左遶恒想佛在右出入之時悉轉面向佛禮拜三寶者常念體唯是一何者覺法滿足名佛所覺之道名法學佛道者名僧則知

一切凡聖體同無二也若入寺時低頭看地不得高視見地有虫忽悞傷殺當歌唄讚歎不唾僧地若見草木不淨即須除却又四分律云入僧寺已應先禮佛塔次禮聲聞塔後禮第一上座乃至第四上座又五分律云若入僧多但別禮師餘人摠禮而去

又四分律云得禮出家五衆亡人塔及如來塔

又五百問事云弟子得禮師塚以報恩故

又增一阿含經云塔中不應禮餘人

又十誦律云佛塔聲聞塔前自他不得禮

又五百問事云佛塔前禮餘人得罪

又三千威儀經云不得座上作禮今時數有諸寺及以俗家見有道俗在牀上禮佛此大

憍慢譬如欲拜大王豈得在牀拜耶人王尚自不許何況法王得相比耶

毗尼母論云不得著草履富羅入塔

此是鞞撻名

五百問事云若是淨潔靴履鞋袜等得著禮拜僧祇律云若受人禮拜不得如瘞羊不語當相問訊少病少惱安樂不道路不疲苦不述曰若有士人或有難因緣須至寺宿不得卧僧牀席必無私有借卧如法然不得共僧同其牀卧故寶梁經云共僧同牀半身枯死

帳三

十三

墮地獄受其大苦僧未眠時不得在先眠不得調戲言笑說非法語失於威儀驚動衆心若有便利涕唾爲求法宿不得出外者無犯眠時右脇著牀以脚相壘心係明相念當早起表出家因也是故經云仰卧者是修羅卧伏卧者是餓鬼卧左脇卧者是貪欲人卧右脇卧者是出家人卧衆僧未起在前早起嚴儀容服至僧房前故沙弥威儀經云若入師房應三彈指

又三千威儀經云若入師房當具五法一於外彈指二當脫帽三作禮四正住教坐乃坐

又僧祇律云弟子應晨起先右腳入師房已頭面禮足問安眠不故善見論云弟子參師當避六處一不得當前二不得當後三不得太遠四不得太逼五不得處高六不得上風立當不近不遠側相而立令師小語得聞不費尊力也又是行時威儀進止皆不得離師故善見論云弟子從師行不得以足蹈師影述曰若女人入寺法用同前但不得在男子上座形相語笑脂粉塗面畫眉假飾非法調戲共相排蕩持手搔人必須攝心整容隨人教令依次持香一心供養懺悔自責生女人中常成隔礙於此妙法修奉無因不得自專由他而辦一何苦哉深生悲悼若見沙彌禮如大僧勿以小位而不加敬此於大僧爲小在俗爲尊如此等法竭力而行法用既多具在法苑珠林百卷之內士女篇述

述曰若男女所修事訖須欲出寺佛塔前設禮三拜還須右遶三匝合掌唄讚然後却行

出寺門外復設一禮若見僧時徒衆若少各禮三拜僧若多時摠辭三拜故善見論云禮佛時應遶三匝三拜四方作禮合十指掌又手於頂却行而出絕不見如來更復作禮迴前而去表慕總三寶也

凡是入寺之行為作出世之緣建立寺者開

根三

古

淨土之因供養僧者爲出離之軌故唯穢俗之鄙質入伽藍之淨刹所有施爲恐乖法式也若也還家微捨自贖表僧有法施俗有財惠舉動合宜内外俱益

修故緣第七

依像法決疑經云造新不如修故作福不如避禍斯言驗矣或有村坊塔寺損故伽藍堂殿朽壞舍屋崩摧簾扇蓬戶靡隔煙塵瓦牖茅茨無掩霜露是以門墻凋毀糞穢盈階路絕人蹤僧徒漂寄不修不飾日就衰羸造罪造愆無時暫捨夜闇燈燭本自無聞晝日幡花元來非見堂絕梵唄鑪停海岸遂使惡鬼

効靈善神捨衛伽藍無固直爲僧徒慢惰佛法既衰亦由白衣無敬此而不憂更欲何求又寶梁契經云有一賢者面上有國王文相師見已嫁女與之後時賢者入僧寺中杖倚伽藍生憍慢故失國王文墮大地獄

又薩遮經云或嫌塔寺及諸形像妨礙送置

餘處者如是惡人攝在惡逆衆生分中上品治之

又十輪經云若破寺殺害比丘其人壽終支節皆疼終日不語死墮阿鼻地獄具受諸苦又三千威儀經云掃塔上有五事一不得著履上二不得背佛掃塔三不得取上善土持

帳三

十五

下棄四不得取下佛像上故華五當日一過澡手自持淨巾拂拭佛像復有五事一當先灑地二當使調三當待燥四不得逆掃五不得逆風掃復有五事一不得去善土二當自手拾草三當取中土轉著下處四不得令四角掃處有迹五掃塔前六步使淨此據事務

多步若事多開
掃除善也

又正法念經云若有衆生淨心供養衆僧掃如來塔命終生意樂天身無骨肉亦無汗垢香氣能熏一百由旬其身淨潔猶如明鏡又正法念經云若有衆生識於福田見有佛塔風雨所壞若僧房舍以福德心塗飾治禱

復教他人令治故塔命終生自身天其身鮮白入珊瑚林與諸天女五欲自娛樂盡還退若生人中其身鮮白

又雜寶藏經云若掃僧房一閻浮提地不如掃佛塔一手掌成論亦同

又撰集百緣經云掃地得五功德一自除心垢二除他垢三去憍慢四調伏心五增長功德得生善處

又無垢清淨女問經云掃地得五功德一自心清淨他人見生清淨心二爲他愛三天心歡喜四集端正業五命終生善道天中又沙彌感儀經云掃地有五法一不得背人

二不得逆掃三當令水灑四當令淨五當即分却

又增一經云掃佛塔有五法一水灑地二除去瓦石三平正其地四端意掃地五除去穢惡地既淨已隨能持一枝香華散布地上供養得福無量

故華嚴經偈云

散華莊嚴淨光明 莊嚴妙華以爲帳
散衆雜華遍十方 供養一切諸如來
又小法滅盡經云後劫火起時曾作伽藍所以不爲火焚乃至金剛界爲土臺也
又善薩本行經云昔佛在世時告五百阿羅

帳三

十六

漢汝等各說前世宿行所作功德今得值我得道因緣時有阿羅漢名婆竭多梨即從座起白佛言世尊我念過去無央數劫有佛出世號曰定光入涅槃後分布舍利起塔供養法欲末時有一貧人無方自濟賣薪爲業向澤採薪遙見澤中有一塔寺甚爲巍巍即到

塔邊瞻覩形像歡喜作禮唯見狐狸飛鳥走獸止宿之處草木荆棘不淨滿中迥絕無人復無行迹無供養者貧人覩見心用愴然而不曉知如來神德但以歡喜誅伐草木掃除不淨掃訖歡喜遶之八而作禮而去緣此功德命終之後生光音天衆寶宮殿光明晃煜於諸天中巍巍最勝不可計量盡其天壽而復百返作轉輪王七寶自然王四天下後復壽盡常生國王大姓長者家財富無量顏容端正殊妙無比人見歡喜無不愛敬足行之時道路自淨虛空之中雨散衆華婆竭多言昔貧人者今我身是由昔掃塔生處自然一
阿僧祇九十劫中不墮惡道天上人間富貴尊榮封受自然快樂無極今最後身值釋迦佛捨家出家得阿羅漢三明六通具八解脫若有人能於佛法僧少作微善如毛髮許所生之處受報弘大無有窮盡
又譬喻經云說祇陀太子昔毗婆尸佛時布

帳三

十七

施一奴一婢給掃寺廟緣此功德世常得七寶宮宅門戶兩邊常有自然金銀男女擎持寶鉢滿中七寶取無窮盡夜中常有自然天兵五百餘騎衛護其舍無敢近者輪王七寶者一金輪寶二白象寶三紺馬寶四神珠寶五玉女寶六主藏臣寶七王兵神寶

又雜寶藏經云昔舍衛國中有一長者造立塔寺後時命終生忉利天其婦晝夜追憶夫故愁憂苦惱以憶夫故常掃治夫所造塔寺夫下觀見即來婦所問訊安慰而語之言汝憶我故大憂愁耶婦即語言汝爲是誰天尋答言我是汝夫以作塔寺功德因緣得生天上見汝憶我修治塔寺故來汝所婦言近我夫即答言人身臭穢不復可近汝復欲得爲我妻者勤供佛僧修掃塔寺願生我天若得生天我必當還以汝爲妻婦用夫言作諸功德發願生天其後命終得生天上還爲夫婦夫婦相將來至佛所佛爲說法夫婦並得須

陀洹果旣得果已還歸天上

又分別功德論云昔舍衛城中有夫婦二人而無子息夫婦精進信敬三寶時婦早亡由信敬故生忉利天以爲天女面首端正天中少比天女自念我極端正今此間誰任我夫便以天眼觀見本夫今以出家年老暗短專

信而已常勤掃除塔廟爲業見其掃塔必應生天天女尋下光明照曜在其天前比丘見已問其因緣天女答曰我是君婦今爲天女我觀天上無任我夫見君精進常勤掃塔必應生天若得生天願同一處還爲我夫是以故來陳其情狀白意已訖還歸天上時夫比丘見此事已從是已後增加精進修補塔廟積功轉勝應生第四兜率天上天女憶夫復來語言君福轉勝應生兜率天我今不復得君爲夫語訖還去比丘聞已倍更精進遂獲得阿羅漢果三明六通具八解脫

又百緣經云昔佛在世時迦毗羅城中有一

帳二

長者財寶無量其婦生一兒端正殊妙見者
敬仰漸大見佛得阿羅漢果

尔時世尊告諸比丘乃往過去九十一劫有

毗婆尸佛入般涅槃後有王名槃頭末帝收
取舍利造四寶塔而供養之其後小毀有童
子入塔見此破處和顏悅色集喚衆人共塗

治塔發願而去緣此功德九十一劫不墮地
獄餓鬼畜生天上人中受樂常為天人所見
敬仰乃至今值於我為諸人所見敬仰出家
得道聞佛所說歡喜奉行

頌曰

遺身八方塔 寶飾高百丈 儀鳳異靈鳥

金盤代佛掌

積拱承雕桷

高簷掛樹網

寶地若池沙

風鈴如積響

刻削生千變

舟青圖方像

煙霞時出沒

神仙乍來往

晨露半層生

飛幡接雲上

遊蜺不敢息

翔鵠詎能仰

福地下金繩

天報豈虛枉

願假舟航末

彼岸誰云廣

攝念部第三

此有四緣

述意緣

十念緣

六念緣

發願緣

述意緣第一

惟夫凡情難禁譬等山棲常隨外境類同狂
象三業鼓動緣構滋彰故佛立教令常制御

帳二十九

故經云當為心師不師於心身口意業不與
惡交身戒心慧不動如山又經云制之一處
無事不辦然心性惑倒我見為先煩或難攝
亂使常行於一切時高舉難屈自非託處寂
靜摧伏三毒身不遊行口默緘言少睡多覺
常坐省食思量正法知非有無直身正意繫
念在前如斯等教是名攝念也

十念緣第二

如增一阿含經云爾時世尊告諸比丘當修
行十法便成神通去衆亂想至致涅槃一謂
念佛二謂念法三謂念衆四謂念戒五謂念
施六謂念天七謂念休息八謂念安般九謂

念身非常十謂念死當善修行

佛法聖衆心 戒施及天念 休息安般念

身死念在後

第一念佛者專精念佛如來形相功德具足
身智無涯周旋往來皆具知之修行一法自
致涅槃不離念佛便獲功德是名念佛

第二經云者專精念佛除諸欲愛無有塵勞
渴愛之心永不復興於欲無欲離諸結縛諸
蓋之病猶如衆香之氣無有瑕玷亂想之念
便成神通自致涅槃思惟不離便獲功德是
名念佛

第三念衆者謂專精念佛如來聖衆成就質直

無有邪曲上下和睦如來聖衆四雙八輩當
敬承事除諸亂想自致涅槃不離念佛便獲
功德是名念佛

第四念戒者所謂戒者息諸惡故戒能成道
令人歡喜戒瓊珞身現衆好故猶如吉祥瓶
所願便剋除諸亂想自致涅槃不離戒念佛便

獲功德是名念戒

第五念施者謂專精念佛所施之上永無悔
心無反報想使得善利若人罵毀相加刀杖
當起慈心不興瞋恚我所施者施意不絕除
諸亂想自致涅槃不離施念便獲功德是名
念施

帳三

千

第六念天者謂專精念佛身口意淨不造穢
行行戒成身身放光明無所不照成彼天身
善業果報成彼天身衆行具足除諸亂想自
致涅槃不離天念便獲功德是名念天

第七念休息者謂心意想息志性詳諦亦無
卒暴恒專一心意樂閑居常求方便入三昧
定常念不貪勝光上達除諸亂想自致涅槃
不離休息便獲功德是名念休息

第八念安般者謂專精念佛如息長時
觀知我今息長若復息短亦當觀知我今自
短若息極冷極熱亦當觀知我今息冷熱出
入分別數息長短除諸亂想自致涅槃不離

安般便獲功德是名念安般

第九念身者謂專精念身髮毛爪齒皮肉筋骨膽肝肺心脾腎大腸小腸白脂膀胱屎尿百葉癰蕩脾脣溺淚唾涕膿血脂涎觸體腦膜何者是身地種水種火種風種是也皆是父母所造從何處來爲誰所造此之六根於此終已當生何處除諸亂想自致涅槃不離身念便獲功德是名念身

第十念死者謂專精念死此沒生彼往來諸趣命遂不停諸根散壞如腐敗木命根斷絕種族分離無形無響亦無相貌除諸亂想自致涅槃不離死念便獲功德是名念死而說

長三

廿

偈曰

佛法及聖衆乃至身死念雖與上名聞

其義各別異

六念緣第三

又分別功德論云第一念佛何事佛身金剛無有諸漏若行時足離地四寸千輪相文跡

現於地足下諸虫七日安隱若其命終皆得生天

昔有一惡比丘本是外道假服誹謗逐如來行自殺飛虫著佛跡處言佛蹈殺然虫雖死遇佛跡處尋還得活若入城邑足蹈門闥天地大動百種音樂不鼓自鳴諸聲盲症百病自除覩佛相好隨行得度功德所濟不可稱計揔會万行運載爲先所謂念佛其義如此第二念法者法是無漏道無爲無欲佛者是諸法之主法者是結使之主法出諸佛法生佛道若然者何不先念法後念佛耶

答曰法雖微妙無能知者猶如伏藏無處不

有要藉通人示處方得自濟貧窮之者法亦如是理雖玄妙非如來不暢是以念佛在先稱法爲後

第三念僧者謂四雙八輩十二賢士捨世貪染開導天人則是衆生良祐福田故

昔有薄福比丘名梵摩達律名羅旬
喻比丘也

在于二

百五十衆中令衆僧不得食莫知誰各佛使
分爲二部一部得一部不得復分爲二部半
得半不得如是展轉乃至二人一得食一不
得食乃知無福雖得至鉢自然消化佛愍其
厄自手授食在於鉢中神力所制不能化去
佛欲令現身得福故令二滅盡比丘以食飽
此此時得福

時波斯匿王聞此薄福佛愍與食我今亦當
爲其設福即遣糲米時有一鳥飛來銜一粒
米去使人呵曰王爲梵摩達設福汝何以持
去耶鳥即持還本處所以然者此比丘蒙僧
福力鳥獸不侵害也用是證知爲良福田既

自度度人至三乘道念衆之法其義如此

第四念戒者從五戒十戒二百五十戒至五百
戒皆禁制身口歛諸邪非斂御六情斷諸

欲念中表清淨乃應戒性

昔有二比丘共至佛所路經曠澤頓乏水漿
時有小池汪水衆虫滿中一比丘深思禁律

帳三

是三

我去我大遠彼雖喪命常在我所卿今見我
正覩我肉形豈識真戒乎以是經云波羅提
木又是汝大師若能持戒展轉行之即是如
來法身常住而不滅也

天戒有三種一是俗戒二是道戒三是定戒
五八十具戒等爲俗戒無漏四諦爲道戒三
昧禪思爲定戒以慧御戒使成無漏乃合道
戒聲聞家戒喻若膝華動則解散大士持戒
喻若頭上插華行止不動小乘檢形動則越
儀大士顧心不拘外法大小軌異故以形心
爲殊內外雖殊俱至涅槃故曰念戒也

又佛般泥洹經云又欲近道當有四喜宜善

帳三

是三

念行一曰念佛意喜不離二曰念法意喜不離三曰念衆意喜不離四曰念戒意喜不離念此四喜必令具足而自了見當望正度求解身要可以除斷地獄畜生餓鬼之道雖往來生天上人中不過七生自斷苦際施天同前

又三千威儀經云當念有五事一當念佛功德二當念佛經戒三當念佛智慧四當念佛恩大難報五當念佛精進乃至泥洹復有五事一當念比丘僧二當念師恩三當念父母恩四當念同學恩五當念一切人皆使解脫離一切苦

又處處經云譬言如大海中沙不能計知如人所作善惡殃福前後所不可復計要在命盡作惡逢惡處作善逢善處殃福皆預有處亦預有父母兄弟妻子眷屬等得道便止若不得道便不斷絕佛語比丘當念自身無常有一比丘即報佛言我念非常如人在世間極可至五十歲佛言莫說是語復有一比丘言

可三十歲佛言莫說是語復有一比丘言可十歲佛言莫說是語復有一比丘言可一歲佛言莫說是語復有一比丘言可一日佛言莫說是語復有一比丘言可一月佛言莫說是語復有一比丘言可一時佛言莫說是語復有一比丘言可呼吸間佛言是也佛言出復有一比丘言可呼吸間佛言是也佛言出息不還則屬後世人命迅速在呼吸之間又毗尼母經云若說法比丘復應常念觀身苦空無常無我不淨莫使有絕何以故當得十二念灰聖法故何者十二念一念成就己身二念成就他人三念願得人身四念生種姓家五念於佛法中得生信心六念所生處不加其功而得語法七念所生處諸根完具八念值佛出尊出現於世九念所生處常得說正法十念願所說法常得久住十一念願法久住得隨順修行十二念常得憐愍諸眾生心故得此十二念具足必得聖法

發願緣第四

帳三

廿四

夫佛果超絕登之有階法雲峻極屈之有漸
是以創發大誠別玄德照於來際初立弘誓
則妙願遍於空界一念興志即塵劫之瑞華
半刻虔躬乃大千之甘露蓋是大乘之根基
種智之津衢也

又地持論云菩薩發願略說五種一發心願

二生願三境界願四平等願五大願彼菩薩
初發無上菩提心是名發心願願未來世爲
衆生故隨善趣生是名生願願正觀諸法無
量等諸善根思惟境界是名境界願願未來
世一切菩薩善攝事是名菩薩平等願大願
者即平等願

菩薩又說十種大願

一者願一切種供養無量諸佛
二者願護持一切諸佛正法
三者願通達諸佛正法
四者願生兜率天乃至般涅槃
五者願行菩薩一切種正行

六者願成熟一切衆生

七者願一切世界悉能現化

八者願一切菩薩一心方便以大乘度

九者願一切正行方便無礙

十者願成無上正覺

是菩薩住於初地方便淨信現在修行於未

帳三

廿五

來事生十大願

一者以清淨心常願供養一切諸佛

二者受持守護諸佛正法

三者勸請諸佛轉未曾有法

四者順行菩薩正行

五者一切器界具足成熟

六者一切世界悉能現化

七者自淨佛土

八者一切菩薩同一方便以大乘化

九者利益衆生一切不空

十者一切世界得阿繹菩提作一切佛事

頌曰

投杖信爲急 調絃貴不奢
遯馬本難置 驅馳習聲色
旣入王孫第 還向季倫家
省念晶身瑕 庶效懸七覺 持用免三邪

諸經要集卷第三

帳三

韜光上土刀反
濟以上音振一音軒
澆古沃也
斗叟下音曾
窄堵上蘇倒益也
轓多其肌膚
持近初
糲下栗子也
竹荻俱觀
願下鑿苦舍
阿鞞下室也

鞞反大草
壘下所倚反
懲水下倫張直耕反
荆百窓去札反
紺力反京下音
刻削反思約下
撫古侯胡上

諸經要集卷第四

帳四

入道部第四 西明寺沙門道世玄惲撰
此有四緣

唄讚部第五
香燈部第六

乙

蜺吾方天虹
瑕班日方之氣
瘞肝下丁敢反
瘞蕩作瘞疾也
祚米上音作精米
完具上惠官也
劍楚狀初也
翔鷗上音祥飛也
筋骨上音脾腎
脂涎下步似連腐
肉闕下步陳皮

易許 王反

北六末

諸經要集卷第三

帳三

正賡二證用反
猶也正作余
光明六反
兒如上
紺青赤色反
刻削約反
撫古侯胡上

諸經要集卷第三

帳三

入道部第四 西明寺沙門道世玄惲撰
此有四緣

大草下所倚反
壘水下伦张直耕反
懲百窓去札反
荆百窓去札反
紺力反京下音
刻削反思约下
撫古侯胡上